

翻  
文類  
二愚  
門亮  
得鈔鈔

東京圖書館

一	八	七	六		
冊	號	架	五	屬	類

明神宗十九年四月六日內務府題付

淨土文類聚鈔

愚禿親鸞作

夫無身難忍光耀滅苦證樂萬行圓備嘉號

消鄣除疑末代教行專應修此濁世目足必


可勤斯爾者受行最勝弘誓而捨穢忻淨奉

持如來教勅而報恩謝德爰片州愚禿歸印

度西番論說仰華漢日域師釋敬信真宗教

行證特知佛恩巨窮盡明用淨土文類聚矣

然言教者則大無量壽經也斯經大意者彌



陀超發於誓廣開法藏致哀凡小選施功德  
之寶釋迦出興於世光闡道教欲撻群萌惠  
以真實之利誠是如來興世之真說奇特最  
勝之妙典一乘究竟之極說十方稱讚之正  
教也說如來本願為經宗致即以佛名號為  
經體也言行者則利他圓滿大行也即是出  
於諸佛咨嗟之願復名諸佛稱名之願亦可  
名往相正業之願然本願力迴向有二種相

一者往相二者還相一言往相迴向者就往  
相有大行亦有淨信大行者則稱無尋光如  
來名斯行徧攝一切行極速圓滿故名大行  
是故稱名能破眾生一切無明能滿眾生一  
切志願稱名即憶念憶念即念佛念佛則是  
南無阿彌陀佛願成就文經言十方恒沙諸  
佛如來皆共讚嘆無量壽佛威神功德不可  
思議諸有眾生聞其名號信心歡喜乃至一

念至心迴向願生彼國卽得往生往不退轉  
又言佛語彌勒其有得聞彼佛名號歡喜踊  
躍乃至一念當知此人爲得大利則是具足  
無上功德上已龍樹菩薩十住毘婆娑論云若  
人欲疾得下不退轉地者應以恭敬心執持稱  
名號若人種善根疑則華不開信心清淨者  
華開卽見佛天親菩薩淨土論云世尊我一  
心歸命盡十方無尋光如來願生安樂國我

依修多羅真實功德相說願偈摠持與佛教  
相應觀佛本願力遇無空過者能令速滿足  
功德大寶海上聖言論說特用知非凡夫迴  
向行是大悲迴向行故名不迴向誠是選擇  
攝取之本願無上超世之弘誓一乘真妙之  
正法萬善圓修之勝行也經言乃至者兼上  
下略中之言言一念者卽是專念專念卽是  
一聲一聲卽是稱名稱名卽是憶念憶念卽

是正念正念卽是正業也復乃至一念者是  
夏非言觀想功德徧數等之一念就獲得往  
生心行時節延促言乃至一念也應知言淨  
信者則利他深廣信心也卽是出於念佛往  
生之願亦名至心信樂之願復可名往相信  
心之願然薄地凡夫底下群生淨信叵獲極  
果叵證也何以故不由往相廻向故由所纏  
縛疑網故乃由如來加威力故博因大悲廣

慧力故獲清淨真實信心是心不顛倒是心  
不虛偽信知無上妙果不難成真實淨信實  
難得獲真實淨信得大慶喜心得大慶喜心  
經言其有至心願生安樂國者可得智惠明  
達功德殊勝要取又經言是人卽是大威德者  
亦說廣大勝解者上已誠是除疑獲德之神方  
極速圓融之真詮長生不死之妙術威德廣  
大之淨信也爾者若行若信無有一事非阿

彌陀如來清淨願心之所迴向成就非無因  
他因有也應知言證者則利他圓滿妙果也  
卽是出於必至滅度之願亦名證大涅槃之  
願亦可名往相證果之願卽是清淨真實至  
極畢竟無生無上涅槃願成就文經言其有  
衆生生彼國者皆悉住於正定之聚所以者  
何彼佛國中無諸邪聚及不定聚又言但  
因身有信諸善人疑心有信念修行者也順餘方故有天人之名顏貌端正超世希有

容色微妙非天非人皆受自然虛無之身無  
極之體又言必得超絕去往生安養國橫截  
五惡趣惡趣自然閉昇道無窮極易往而無  
入其國不逆違自然之所牽上已聖言明知煩  
惱成就凡夫生死罪濁群萌獲往相心行卽  
住大乘正定之聚住正定聚必至滅度必至  
滅度卽是常樂常樂卽是大涅槃大涅槃卽  
是利他教化地果是身卽是無爲法身無爲

法身卽是畢竟平等身畢竟平等身卽是寂滅寂滅卽是實相實相卽是法性法性卽是真如真如卽是一如也爾者若因若果無有一事非阿彌陀如來清淨願心之所迴向成就因淨故果亦淨也應知二言還相迴向者則利他教他地益也卽是出於必至補處之願亦名一生補處之願亦可名還相迴向之願願成就文經言彼國菩薩皆當究竟一生

補處除其本願爲衆生故以弘誓功德而自莊嚴普欲度脫一切衆生已聖言明知大慈大悲弘誓廣大難思利益乃入煩惱稠林開導諸有則遵普賢之德悲引群生爾者若往若還無有一事非如來清淨願心之所迴向成就也應知是以淨土緣熟調達閻王興逆害濁世機憫釋迦韋提選安養倩思彼靜念此達多閻世博施仁慈彌陀釋迦演顯素懷

依之論主宣布廣大無尋淨信普徧開化雜  
染堪忍群生宗師顯示往還大悲迴向慇懃  
弘宣他利利他深義聖權化益偏為利一切  
凡愚廣大心行唯欲引逆惡闡提今庶道俗  
等大悲願船清淨信心而為順風無明闇夜  
功德寶珠而為大炬心昏識寡敬勉斯道惡  
重鄣多深崇斯信噫弘誓強緣多生難值真  
實淨信億劫叵獲遇獲信心遠慶宿緣若也

此迴覆蔽疑網更必逐歷曠劫多生攝取不  
捨之真理超捷易往之教勅聞思莫遲慮慶  
哉愚忝仰惟樹心弘誓佛地流情難思法海  
嘆所聞慶所獲採集真言鈔出師釋專念無  
上尊特報廣大恩因茲披閱曇鸞菩薩註論  
諺夫菩薩歸佛如孝子之歸父母忠臣之歸  
君后動靜非已出沒必由知恩報德理宜先  
啓取信知佛恩深重念念佛正信偈曰



西方不可思議尊

法藏菩薩因位中

超發殊勝本弘誓

建立無上大悲願

思惟攝取經五劫

菩提妙果酬上願

滿足本誓歷十劫

壽命延長莫能量

慈悲深遠如虛空

智惠圓滿如巨海

清淨微妙無邊刹

廣大莊嚴等具足

種種功德悉成滿

超逾十方諸佛國

普放難思無尋光

能破無明大夜闇

智光明朗開慧眼

名聲靡不聞十方

如來功德唯佛知

集佛法藏施凡愚

彌陀佛日普照耀

已能雖破无明闇

貪愛瞋嫌之雲霧

常覆清淨信心天

譬猶如日月星宿

雖覆煙霞雲霧等

其雲霧下明無闇

信知超日月光益

必至無上淨信曉

三有生死之雲晴

清淨無尋光耀朗

一如法界真身顯

發信稱名光攝護

亦獲現生無量德

無邊難思光不斷

更無隔時處諸緣

諸佛護念真莫疑

十方同稱讚悅可

惑染逆惡齊皆生

謗法闡提迴皆往

當來之世經道滅

特留此經住百歲

如何疑惑斯大願

唯信釋迦如實言

印度西天之論家

中夏日域之高僧

開大聖世雄正意

如來本誓明應機

釋迦如來楞伽山

為衆告命南天竺

龍樹菩薩興出世

悉能摧破有無見

宣說大乘無上法

證歡喜地生安樂

造十住毘婆沙論

難行峻路特悲憐

易往大道廣開示

應以恭敬心執持

稱名號疾得不退

信心清淨即見佛

天親菩薩作論說

依修多羅顯真實

光闡橫超本弘誓

演暢不可思議願

由本願力迴向故  
歸入功德大寶海  
得至蓮華藏世界  
遊煩惱林現神通  
曇鸞大師梁蕭王  
三藏流支授淨教  
天親菩薩論註解  
往還迴向由本誓

為度具縛彰一心  
必獲入大會眾數  
即證寂滅平等身  
入生死園示應化  
常向巒方菩薩禮  
焚燒仙經歸樂邦  
如來本願顯稱名  
煩惱成就凡夫人

信心開發即獲忍  
必到無量光明土  
道綽決聖道難證  
萬善自力殷勤修  
三不三信誨慇懃  
一生造惡遇弘誓  
善導獨明佛正意  
矜哀定散與逆惡

證知生死即涅槃  
諸有眾生皆普化  
唯明淨土可通入  
圓滿德號勸專稱  
像末法滅同悲引  
至安養界證妙果  
深籍本願與真宗  
光明名號示因緣

入涅槃門值真心

必獲於信喜悟忍

得難思議往生人

即證法性之常樂

源信廣開一代教

偏歸安養勸一切

依諸經論撰教行

誠是為濁世目足

決判得失於專雜

迴入念佛真實門

唯定淺深於執心

報化二土正辨立

源空曉了諸聖典

憐愍善惡凡夫人

真宗教證興片州

選擇本願施濁世

還來生死流轉家

決以疑情為所止

速入家靜無為樂

必以信心為能入

論說師釋共同心

撻濟無邊極濁惡

道俗時眾皆悉共

唯可信斯高僧說

六十行一百二十句偈頌已畢

問念佛往生願已發三心論主何以故言一

心答愚鈍眾生覺知為令易故論主合三為

一歟言三心者一者至心二者信樂三者欲

生私以字訓闢論意合三應一其意何者一  
者至心至者真誠心者種實二者信樂信者  
真實誠滿極成用重審驗樂者欲願慶喜樂  
三者欲生欲者願樂覺知生者成興也爾者  
至心卽是誠種真實之心故無有疑心信樂  
卽是真實誠滿之心極成用重之心欲願審  
驗之心慶喜樂之心故無有疑心欲生卽是  
願樂之心覺知成興之心故三心皆共真實

而無疑心無疑心故三心卽一心字訓如斯  
可思擇之復言三心者一者至心斯心卽是  
如來至德圓修滿足真實之心阿彌陀如來  
以真實功德迴施一切卽以名號爲至心體  
然十方衆生穢惡汚染無清淨心虛假雜毒  
無真實心是以如來因中行菩薩行時三業  
所修乃至一念一刹那無有非清淨真實心  
如來以清淨真心迴向諸有衆生經言不生

欲覺瞋覺害覺不起欲想瞋想害想不著色  
聲香味觸法忍力成就不計衆苦少欲知足  
無深志癡三昧常寂智惠無尋無有虛偽諂  
曲之心和顏愛語先意承問勇猛精進志願  
無倦專求清白之法以惠利群生恭敬三寶  
奉事師長以大莊嚴具足衆行令諸衆生功  
德成就出抄聖言明知今斯心是如來清淨廣  
大至心是名真實心至心卽是大悲心故無

有疑心二者信樂卽是以真實心爲信樂體  
然具縛群萌穢濁凡愚無清淨信心無真實  
信心是故真實功德難值清淨信樂難叵獲  
得依之闕釋意愛心常起能汚善心瞋嫌之  
心能燒法財苦勵身心日夜十二時急走急  
作如灸頭燃衆名雜毒之善亦名虛假之行  
不名真實業也以此雜毒之善迴向彼淨土  
此必不可也何以故正由彼如來行菩薩行

時乃至一念一刹那三業所修皆是真實心  
中作故疑蓋無雜如來以清淨真實信樂迴  
向諸有衆生本願成就文經言諸有衆生聞  
其名號信心歡喜抄出聖言明知今斯心卽是  
本願圓滿清淨真實信樂是名信心信心卽  
是大悲心故無有疑蓋二者欲生卽以清淨  
真實信心爲欲生體然流轉輪迴凡夫曠劫  
多生群生無清淨迴向心亦無真實迴向心

是以如來因中行菩薩行時三業所修乃至  
一念一刹那無有非迴向爲首得成就大悲  
心故如來以清淨真實欲生心迴向諸有衆  
生本願成就文經言至心迴向願生彼國卽  
得往生住不退轉要取聖言明知今斯心是如  
來大悲招喚諸有衆生之教勅卽以大悲之  
欲生心是名迴向三心皆是大悲迴向心故  
清淨真實疑蓋無雜故一心也依之披師釋

云西岸上有人喚言汝一心正念直來我能  
護汝衆不畏隘於水火之難又言中間白道  
者卽喻貪瞋煩惱中能生清淨願往生心也  
仰蒙釋迦發遣又籍彌陀招喚不顧水火二  
河乘彼願力之道出略是知能生清淨願心是  
非凡夫自力心大悲迴向心故言清淨願心  
爾者一心正念者正念卽是稱名稱名卽是  
念佛一心卽是淡心淡心卽是堅固淡信堅

固淡信卽是真心真心卽是金剛心金剛心  
卽是無上心無上心卽是淳一相續心淳一  
相續心卽是大慶喜心獲大慶喜心是心達  
三不是心順三信是心卽是大菩提心大菩  
提心卽是眞實信心眞實信心卽是願作佛  
心願作佛心卽是度衆生心度衆生心卽是  
攝取衆生安樂淨土心是心卽是畢竟平  
等心是心卽是大悲心是心作佛是心是佛



是名如實修行相應也。應知三心卽一心之  
義答竟。

又問大經三心與觀經三心一異云何。答兩  
經三心卽是一也。何以得知。宗師釋云。至誠  
心中云。至者真誠者實。就人就行。立信中云。  
一心專念彌陀名號。是名正定之業。又云。淡  
心卽是真實信心。迴向發願心中云。此心淡  
信。由若金剛明知一心是信心。專念卽正業。

一心之中攝在至誠迴向之二心。向問中答  
竟。

又問已前二經三心與小經執持一異云何。  
答經言執持名號。執者心堅牢而不移。持者  
名不散不失。故曰不亂。執持卽一心。一心卽  
信心。然則執持名號之真說。一心不亂之誠  
言。必可歸之。特可仰之。論家宗師開淨土真  
宗。導濁世邪僞。三經大綱。雖有隱顯。一心爲

能入故經始稱如是論主建言一心即是彰  
 如是之義今披宗師解云言如意者有二種  
 一者如衆生意隨彼心念皆應度之二者如  
 彌陀之意五眼圓照六通自在觀機可度者  
 一念之中無前無後身心等趣三輪開悟各  
 益不同也又言敬白一切往生知識等大須  
 慚愧釋迦如來實是慈悲父母種種方便發  
 起我等無上信心上已明知緣二尊大悲獲一

心佛因當知斯人希有人最勝人也然流轉  
 愚夫輪迴群生信心無起真心無起是以經  
 言若聞斯經信樂受持難中之難無過此難  
 亦說一切世間極難信法誠知大聖世尊出  
 興於世大事因緣顯悲願真利為如來直說  
 示凡夫即生為大悲宗致因茲闢諸佛教意  
 三世諸如來出世正本意唯說阿彌陀不可  
 思議願常沒凡夫人緣願力迴向聞真實功

淨土文類聚鈔 卷之五 四十二  
德獲無上信心則得大慶喜獲不退轉地不  
令斷煩惱速證大涅槃矣

淨土文類聚鈔

愚禿鈔上

愚禿親鸞作

聞賢者信

顯愚禿心

賢者信

內賢外愚也

愚禿心

內愚外賢也

就聖道淨土教有二教

一 大乘教

二 小乘教

就大乘教有二教

一 頓教

二 漸教

就頓教復有二教二超

二教者

一難行聖道之實教所謂佛心真言  
法華華嚴等之教也

二易行淨土本願真實之教大無量  
壽經等也

二超者

一豎超

即身是佛即身成佛  
等之證果也

二橫超

選擇本願真實報土  
即得往生也

就漸教復有二教二出

二教者

一難行道聖道權教法相等歷劫  
修行之教也

二易行道淨土要門無量壽佛  
觀經之意定散三福九品之教也

二出者

一<sub>六</sub>豎出 聖道曆劫修行之證也

二<sub>六</sub>橫出 淨土胎宮邊地懈慢之往生也

就<sub>レ</sub>小乘教有<sub>二</sub>二教

一<sub>六</sub>緣覺教 一<sub>二</sub>麟喻獨覺  
二<sub>二</sub>部行獨覺

二<sub>六</sub>聲聞教 初果預流向 第二果一來向  
第三果不還向 第四果阿羅漢

向八輩也

唯除阿彌陀如來選擇本願已外大小權實

顯密諸教皆是難行道聖道門又易行道淨

土門之教是曰淨土迴向發願自力方便假門也應知

大經<sub>二</sub> 選擇三種

一<sub>一</sub>法藏菩薩

選擇本願 選擇淨土

選擇攝生 選擇證果

二<sub>二</sub>世饒王佛

選擇本願 選擇淨土

選擇讚嘆  
選擇證成

釋迦如來

選擇彌勒付屬

觀經 選擇二種

釋迦如來

選擇功德  
選擇攝取

選擇讚嘆  
選擇護念

選擇阿難付屬

韋提夫人

選擇淨土  
選擇淨土機

小經勸信 證成 護念 讚嘆 難易

勸信二者

釋迦勸信  
釋迦

諸佛勸信  
諸佛

證成二者

功德證成  
往生證成

護念二者

一六執持護念

釋迦護念

二六發願護念

諸佛護念

讚嘆二者

一六釋迦讚嘆

二六諸佛讚嘆

難易二者

一六難疑情

二六易信心

執持二已今當發願二已今當

法事讚有二往生

一六難思議往生大經宗

二六雙樹林下往生觀經宗

三六難思往生弥陀經宗

大經言證成本願三身

法身證成經言空中讚言決定必成無上正覺文

報身證成十方如來

化身證成世饒王佛

就佛土有二種

一者佛

二者土

就佛有四種

一法身

二報身

三應身

四化身

就法身有二種

一法性法身

二方便法身

就報身有三種

一彌陀

二釋迦

三十方

就應化有三種

一彌陀

二釋迦

三十方

就土有四種

一法身土

二報身土

三應身土

四化身土

就報土有三種



一彌陀 二釋迦

三十方

就彌陀化土有二種

一疑城胎宮 二懈慢邊地

本願一乘頓極頓速圓融圓滿之教者絕對不二之教一實真如之道也應知專中之專頓中之頓真中之真圓中之圓一乘一實大誓願海 第一希有之行也

金剛真心無尋信海應知

疏云我依菩薩藏頓教一乘海

讚云瓔珞經中說漸教萬劫修功證不退觀

經彌陀經等說即是頓教菩提藏文

圓頓者圓名多頓名多頓極頓速

二教對

本願一乘海頓極頓速圓融圓滿之教也應知

淨土要門定散二善方便假門三福九品之教也應知

難易對

橫豎對

頓漸對

超涉對

真假對

順逆對

純雜對

邪正對

勝劣對

親疎對

大小對

多少對

重輕對

通別對

經迂對

捷遲對

廣狹對

近遠對

了不了教對

大利小利對

無上有上對

不迴迴向對

自說不說對

有願無願對

有誓無誓對

選不選對

讚不讚對

證不證對

護不護對

因明直辨對

理盡非理盡對

無間有間對

相續不相續對

退不退對

斷不斷對

因行果德對

法滅不滅對

自力他力對

攝取不攝對

入定聚不入對

思不思議對

報化二土對

已上四十二對就教法應知

真實淨信心內因

攝取不捨外緣

信受本願前念命終即入正定聚之數文

即得往生後念即生即時入必定文  
又多必定菩薩也文

他力金剛心也應知

便同彌勒菩薩自力金剛心也應知  
大經言次如彌勒文

二機對

一乘圓滿機他力

漸教迴心機自力

信疑對

賢愚對

善惡對

正邪對

是非對

實虛對

真偽對

淨穢對

好醜對

妙麤對

利鈍對

奢促對

希常對

強弱對

上々下々對

勝劣對

直入迴心對

明闇對

已上十八對就二機應知

又就二種機復有二種性

二機者

一善機

二惡機

二性者

一善性

二惡性

又復就善機有二種又有傍正

一六 定機

二六 散機

疏云一切眾生機有二種一者定二者散文

又有傍正者

一六 菩薩

大小

二六 緣覺

三六 聲聞辟支等

淨土之傍機也

四六 天

五六 人等淨土之正機也

又復就善性有五種

一六 善性

二六 正性

三六 實性

四六 是性

五六 真性

又復就惡機有七種

一六 十惡

二六 四重

三六 破見

四六 破戒

五六 五逆

六六 謗法

七六 闡提

又復就惡性有五種

一六 惡性

二六 邪性

三虛性

四非性

五偽性

光明寺和尚曰

道俗時衆等

各發無上心

生死甚難厭

佛法復難忻

共發金剛志

橫超斷四流

觀入彌陀界

歸依合掌禮

正受金剛心

相應一念後

果得涅槃者

淨土論曰

世尊我一心

歸命盡十方

無尋光如來

願生安樂國

我依修多羅

真實功德相

說願偈捻持

與佛教相應文

佛說無量壽經言

康僧鎧三藏譯

無得以我滅度之後復生中疑惑當來之世經

道滅盡我以慈悲哀愍特留此經止住百歲

其有衆生值斯經者隨意所願皆可得度佛

語彌勒如來興世難值難見諸佛經道難得

難聞菩薩勝法諸波羅蜜得聞亦難遇善知識聞法能行此亦為難若聞斯經信樂受持難中之難無過此難是故我法如是作如是說如是教應當信順如法修行文

無量壽如來會言多菩提流支三藏譯

如來勝智徧虛空所說義言唯佛悟

是故博聞諸智士應信我教如實言文

無量清淨平等覺經言帛延三藏譯

速疾超便可到安樂國之世界

至無量光明土供養於無數佛文

諸佛阿彌陀三那三佛薩樓佛檀過度人道經言支謙三藏譯

我般泥洹去後經道留止千歲千歲後經道斷絕我皆慈哀特留是經法止住百歲百歲中竟乃休止斷絕在心所願皆可得道出畧

元照律師阿彌陀經義疏云大智律師也

勢至章云十方如來憐念衆生如母憶子大  
論曰譬如魚母若不念子子即壞爛等阿耨  
多羅此翻無上三藐云正等三菩提云正覺  
即佛果號薄地凡夫業惑纏縛流轉五道百  
千萬劫忽聞淨土志願求生一日稱名即超  
彼國諸佛護念直趣菩提可謂萬劫難逢千  
生一遇誓從今日終盡未來在處讚揚多方  
勸誘所感身土所化機緣與阿彌陀等無有

異此心聞極唯佛證知是故下二勸信信我  
語者謂信教也如不信我十方諸佛豈虛妄  
乎出畧

建長七年乙卯八月廿七日書之

愚禿親鸞八十  
三歲



愚禿鈔下

愚禿鈔下

愚禿親鸞作

聞賢者信

顯愚禿心

賢者信

內賢外愚也

愚禿心

內愚外賢也

唐朝光明寺和尚觀經義云

先就上品上生位中乃至一從佛告阿難已下

即雙標二意一明告命二明辨定其位此即

修學大乘上善凡夫人也三從若有衆生下

愚禿鈔下

至<sub>二</sub>即便往生已來正明<sub>三</sub>搖舉有生之類即有<sub>二</sub>  
其四一<sub>六</sub>明能信之人二<sub>六</sub>明求願往生三<sub>六</sub>明發  
心多少四<sub>六</sub>明得生之益四<sub>六</sub>從何等為三下至<sub>二</sub>  
必生彼國已來正明<sub>三</sub>辨定三心以為正因即  
有<sub>二</sub>一<sub>六</sub>明世尊隨機顯益意密難知非佛自  
問自徵無由得解二<sub>六</sub>明如來還自答前三心  
之數經云一者至誠心至者真誠者實欲明  
一切衆生身口意業所修解行必須真實心

中<sub>二</sub>作不得外現賢善精進之相內壞虛假貪  
瞋邪偽奸詐百端惡性難侵事同蛇蝎雖起  
三業名為雜毒之善亦名虛假之行不名真  
實業也若作如此安心起行者縱使苦勵身  
心日夜十二時急走急作如灸頭燃者衆名  
雜毒之善欲迴此雜毒之行求生彼佛淨土  
者此必不可也何以故正由彼阿彌陀佛因  
中行菩薩行時乃至一念一刹那三業所修

皆是真實心中作凡所施為趣求亦皆真實  
又真實有二種一者自利真實二者利他真  
實就利他真實亦有二種

一者凡所施為趣求亦皆真實二者不善  
三業必須真實心中捨又若起善三業者  
必須真實心中作不簡內外明闇須真實  
故名至誠心文

言自利真實者復有二種一者真實心中制

捨自他諸惡及穢國等行住坐卧想同一切  
菩薩制捨諸惡我亦如是也二者真實心中  
勤修自他凡聖等善真實心中口業讚嘆彼  
阿彌陀佛及依正二報又真實心中口業毀  
厭三界六道等自他依正二報苦惡之事亦  
讚嘆一切衆生三業所為善若非善業者敬  
而遠之亦不隨喜也又真實心中身業合掌  
禮敬四事等供養彼阿彌陀佛及依正二報

又真實心中身業輕慢厭捨此生死三界等  
自他依正二報又真實心中意業思想觀察  
憶念彼阿彌陀佛及依正二報如現目前又  
真實心中意業輕賤厭捨此生死三界等自  
他依正二報文  
一者至誠心者至者真誠者實即真實也  
真實有二種  
一者自利真實

難行道

聖道門

豎超

即身是佛  
即身成佛

自力也

豎出

自力中之漸教  
歷劫修行也

二者利他真實

易行道

淨土門

橫超

如來誓願  
他力也

橫出

他力中之自力  
定散諸行也

就自利真實復有二種

一者厭離真實

聖道門

難行道

豎出

自力

豎出者難行道之教以厭離為本自力之心故也

二者忻求真實

淨土門

易行道

橫出

他力

橫出者易行道之教以忻求為本何以故由願力令厭捨生死之故也

又就橫出真實復有三種

一者口業忻求真實

口業厭離真實

二者身業忻求真實

身業厭離真實

三者意業忻求真實

意業厭離真實

按宗師釋文從一者真實心中已下至自他

凡聖等善者厭離爲先，忻求爲後，則是難行道自力豎出之義也。從真實心中口業已下，至自他依正二報者，則是易行道他力橫出之義也。二者深心言深心者，卽是深信之心也。亦有二種：一者決定深信自身現是罪惡生死，凡夫曠劫已來，常沒常流轉，無有出離之緣；二者決定深信彼阿彌陀佛四十八願攝受衆生，無疑無慮，乘彼願力，定得往生。

今斯深信者，他力至極之金剛心，一乘無上之真實信海也。

按文意就深信有七深信有六決定

七深信者

第一深信決定深信自身卽是自利信心也

第二深信決定深信乘彼願力卽是利他信海也

第三決定深信觀經

第四決定深信彌陀經

第五唯信佛語決定依行

第六依此經深信

第七又深心深信者決定建立自心

六決定者 已上如次應知

就<sup>利他信</sup>第五唯信佛語有三遣三隨順三是名

三遣者

一佛遣捨者即捨 二佛遣行者即行

三佛遣去處即去

三隨順者

一是名隨順佛教 二隨順佛意

三是名隨順佛願

三是名者

一是名真佛弟子

上是名與此合三是名也

就<sub>依觀經</sub>第六依此經深信有六卽三印三無六正

二了

六卽者

一若稱佛意卽印可言如是如是

二若不可佛意者卽言汝等所說是義

不如是

三不印者卽同無記無利無益之語

四佛印可者卽隨順佛之正教

五若佛所有言說卽是正教

六若佛所說卽是了教

三印者

一卽印可 二不印

三佛印可 三印者有上六卽文中

三無者

一無記 二無利

三無益 三無者有六卽文中



六正者

一正教

二正義

三正行

四正解

五正業

六正智

二了者

一若佛所說卽是了教

二菩薩等說盡名不了教也應知

自利信心就第七又深心深信者決定建立自心有二

別三異一問答

二別者

一別解

二別行

三異者

一異學

二異見

三異執

一問答中有四別四信

四別者

一處別

二時別

三對機別

四利益別

四信者

一往生信心

凡夫疑難也

二清淨信心

地前菩薩羅漢  
辟支佛等疑難也

三上々信心

初地已上十地  
已來疑難也

四畢竟不起一念疑退之心也

報佛化佛  
疑難也

就上々信心有五實二異

五實者

一真實決了義

二實知

三實解

四實見

五實證

二異者

一異見

二異解

就報化二佛疑難引彌陀經勸信有二專四

同二所化六惡二同三所

二專者

一專念

二專修 五種也

四同者

一同讚

二同勸

三同證

四同躰

二所化者

一佛所化卽是一切佛化

二一切佛所化卽是一佛化

六惡者

一惡時

二惡世界

三惡衆生

四惡見

五惡煩惱

六惡邪無信盛時也

二同者

一十方佛等同心

二同時各出舌相

三所者

一所說

二所讚

三所證

一佛所說卽一切佛同證誠其事也此名就  
人立信也應知

次就行立信者然行有二種

一者正行

二者雜行

就正行有五正行六一心六專修

五正行者

一六一心專讀誦

二六一心專觀察

三六一心專禮佛

四六一心專稱佛名

五六一心專讚嘆供養

又就此正中復有二種

一者一心專念彌陀名號是名正定之業

二者若依禮誦等卽名為助業

六一心者

如次一心也

六專修者

如次專修也

又復就正雜二行復有二行

一者定行

二者散行也

又復就正雜復有二種

一念佛

二觀佛

又就念佛復有二種

一彌陀念佛

二諸佛念佛

法身報身應身化身

又復就彌陀念佛有二種

一正行定心念佛  
二正行散心念佛

彌陀定散念佛是曰淨土真門亦名一

向專修也應知

又復就諸佛念佛有二種

一雜行定心念佛

二雜行散心念佛

諸佛定散念佛是雜中之專行也應知

又復就觀佛復有二種

一正之觀佛

二雜之觀佛

又復就正觀佛復有二種

一六真觀チリ

二六假觀チリ

又復就真假有十三觀想

日想 水想 地想 寶樹想

寶池 寶樓 華座 像想

真觀 觀音 勢至 普觀

雜觀

又復就正散行有四種

讀誦 禮拜 讚嘆 供養

上來定散六種兼行故曰雜修是名助業名

為方便假門亦名淨土要門也應知

又復就雜觀佛有二種 又有真假

一六無想離念 二六立相住心

又復就雜散行有三福

一六孝養父母奉事師長慈心不殺

修十善業

二六受持三歸具足眾戒不犯威儀

三發菩提心深信因果讀誦大乘勸進行者

上來一切定散諸善悉名雜行對六種正應有六種雜雜行之言人天菩薩等解行雜故且雜也自元來非淨土業因是名發願行亦名迴心行故名淨土雜行是名淨土方便假門亦名淨土要門也凡聖道淨土正雜定散皆是迴心之行也應知

三者迴向發願心者言迴向發願心者有二種一過去謂今生自他所作善根皆真實深信心中迴向願生彼國

二迴向發願生者必須決定真實心中迴向願作得生想

就迴向發願生者有信心者

作得生想此心深信由若金剛

就此深信有一譬喻二異二別一問答二迴  
向

一譬喻者

此心深信由若金剛

二異者

一異見

二異學

二別者

一別解

二別行

就一問答有七惡六譬二門四有緣二所求  
二所愛二欲學二必

七惡者

一十惡

二五逆

三四重

四破戒

五破見

六謗法

七闡提

六譬者



一明能破闇

二空能含有

三地能載養

四水能生潤

五火能成壞

六二河水河火河

二門者

一出愚業門隨出一門即出一煩惱門也

二入智慧海隨入一門即入一解脫智慧門也

四有緣者

一汝何以將非有緣之要行鄣惑於

我

二然我之所愛即是我有緣之行即非

汝所求

三汝之所愛即是汝有緣之行亦非我

所求是故各隨所樂而修其行者必

疾得解脫也

四若欲學行者必藉有緣之法少用功

勞多得益文

二所求者 如上文

二所愛者 如上文

二欲學者

一<sub>六</sub>行者當知若欲學解從凡至聖乃至

佛果一切無礙皆得學也

二若欲學行者必藉有緣之法<sub>二</sub>乃至

二必者 如上文

就此深信中二迴向者

一<sub>神利</sub>常作此想常作此解故名迴向發願

心

二<sub>利他名迴向</sub>又言迴向者生彼國已還起大悲迴

入生死教化衆生亦名迴向也

就<sub>二</sub>河中說<sub>一</sub>譬喻守護信心以防<sub>二</sub>外邪

異見之難

此道從東岸至西岸亦長百步

百步者

譬人壽百歲也

群賊惡獸者

群賊者別解別行異見異執惡見邪心  
定散自力之心也

惡獸者六根六塵五陰四大也

常隨惡友者

惡友者對善友雜毒虛假之人也

言無人空迴澤者

惡友也不值真善知識也真言對假對  
偽善知識者對惡知識也

真善知識 正善知識

實善知識 是善知識

善々知識 善性人也

惡知識者 假善知識

偽善知識 邪善知識

虛善知識 非善知識

惡善知識

惡性人也

言白道四五寸者

白道者白言對黑道言對路白者則是  
六度萬行定散也斯則自力小善路也  
黑者則是六趣四生二十五有十二類  
生黑惡道也

四五寸者四言譬四大毒蛇也五言喻  
五陰惡獸也

言能生清淨願往生心者

發起無上信心金剛真心也斯如來迴  
向之信樂也

言或行一分二分者

喻年歲時節也

言惡見人等者

憍慢懈怠邪見疑心之人也

言又西岸上有入喚言汝一心正念直來我

能護者西岸上有入喚言者阿彌陀如來誓願也汝言行者也斯則名必定菩薩龍樹大士十住毘婆沙論曰卽時入必定曇鸞菩薩論曰入正定聚之數善導和尚言希有人也寂勝人也妙好人也好人也上々人也真佛弟子也一心言真實信心也正念言選擇攝取本願也又第一希有行也金剛不壞心也直言對迴對透也又直言捨方便假門歸如

來大願他力欲使顯諸佛出世之直說也來言對去對往也又欲令還來報土也我言盡十方無尋光如來也不可思議光佛也能言對不堪也疑心之人也護言顯阿彌陀佛果成之正意也亦形攝取不捨之良也則是現生護念也念道言念他力白道也慶樂者慶言卽可之言也獲得之言也樂言悅喜之言也歡喜踊躍也

仰蒙釋迦發遣，指向西方者，順也。又籍彌陀，悲心招喚者，信也。今信順二尊之意，不願水火二河，念々無遺，乘彼願力之道。

就至誠心 難易對 彼此對 去來對

毒藥對 內外對

難易對

難者三業修善不真實之心也

易者如來願力迴向之心也

彼此對

彼者淨邦也 此者穢國也

去來對

去者釋迦佛也 來者彌陀也

毒藥對

毒者善惡雜心也 藥者純一專心也

內外對

内外道外佛教 内聖道外淨土

內疑情外信心

內惡性外善性

內邪外正

內虛外實

內非外是

內偽外真

內雜外專

內愚外賢

內假外真

內退外進

內疎外親

內遠外近

內透外直

內違外隨

內逆外順

內輕外重

內淺外深

內苦外樂

內毒外藥

內怯弱外強剛

內懈怠外勇猛

內間斷外無間

內自力外他力

凡就心有二種三心

一者自利三心

二者利他三信

又有二種往生

一者即往生

二者便往生

竊按觀經三心往生者是則諸機自力各別  
之三心也為歸大經三信也勸誘諸機欲使  
通入三信也三信者斯則金剛真心不可思  
議信心海也亦卽往生者斯則難思議往生  
真報土也便往生者卽是諸機各別業因果  
成土胎宮邊地懈慢界雙樹林下往生亦難  
思往生也應知

建長七歲乙卯八月廿七日書之

愚禿親鸞八十  
三歲

入出二門偈頌

愚禿親鸞作

世親菩薩依大乘

修多羅真實功德

一心歸命盡十方

不可思議光如來

無尋光明大慈悲

斯光明卽諸佛智

觀彼世界無邊際

究竟廣大如虛空

五者佛法不思議

此中佛土不思議

有二種不思議力

斯示安樂之至德

一者業力謂法藏

大願業力所成就



二者正覺阿彌陀

法王善力所攝持

女人根缺二乘種

安樂淨刹永不生

如來淨華諸聖眾

法藏正覺華化生

諸機本則三三品

今無一二之殊異

同一念佛無別道

猶如淄澠一味也

觀彼如來本願力

凡愚遇無空過者

一心專念速滿足

真實功德大寶海

菩薩入出五種門

自利利他行成就

不可思議兆載劫

漸次成就五種門

何等名為五念門

禮讚作願觀察迴

云何禮拜身業禮

阿彌陀佛正遍知

善巧方便諸羣生

為生安樂國意故

即是名入第一門

亦是名為入近門

云何讚歎口業讚

隨順名義稱佛名

依如來光明智相

欲如實修相應故

則斯无尋光如來

攝取選擇本願故

是名爲入第二門

卽獲入大會衆數

云何作願心常願

一心專念願生彼

得入蓮華藏世界

欲如實修奢摩他

是名爲入第三門

亦是名爲入宅門

云何觀察智慧觀

正念觀彼欲如實

修行毗婆舍那故

得到彼所則受用

種種无量法味樂

卽是名入第四門

亦是名爲入屋門

菩薩修行成就者

四種成就入功德

自利行成就應知

第五成就出功德

菩薩出第五門者

云何迴向心作願

不捨苦惱一切衆

迴向爲首得成就

大悲心故施功德

生彼土已速疾得

奢摩他毗婆舍那

巧方便力成就已

入生死菌煩惱林

示應化身遊神通

至教化地利羣生

卽是名出第五門

入菌林遊戲地門

以本願力迴向故  
無礙光佛因地時  
菩薩已成智慧心  
成就妙樂勝真心  
成自利利他功德  
婆藪槃頭菩薩論  
願力成就名五念  
衆生而言言他利

利他行成就應知  
發斯弘誓建此願  
成方便心无鄣心  
速得成就無上道  
則是名為入出門  
本師曇鸞和尚釋  
佛而言宜言利他  
當知今將談佛力

如實修行相應者  
以斯信心名一心  
不斷煩惱得涅槃  
淤泥華者經說言  
卑濕淤泥生蓮華  
泥中生佛正覺華  
不可思議力即是  
道綽和尚解釋曰

隨順名義與光明  
煩惱成就凡夫人  
則斯安樂自然德  
高原陸地不生蓮  
此喻凡夫在煩惱  
斯示如來本弘誓  
入出二門名他力  
月藏經言我末法

起行修道一切衆	未有一人獲得者
在此起心立行者	則此聖道名自力
當今末法是五濁	唯有淨土可通入
今時起惡造衆罪	恒常如暴風駛雨
本弘誓願令稱名	是為穢濁惡衆生
是以諸佛勸淨土	縱令一生造惡業
三信相應是一心	一心淳心名如實
若不生者無是處	必得往生安樂國

生死卽是大涅槃	則易行道名他力
善導和尚義解曰	念佛成佛是真宗
卽是名爲一乘海	卽是亦名菩提藏
卽是圓教中圓教	卽是頓教中頓教
真宗叵遇難得信	難中之難無過此
釋迦諸佛是真實	慈悲父母以種種
善巧方便令發起	我等无上真實信
具足煩惱凡夫人	由佛願力獲得信

斯人即非凡數攝

是人中分陀利華

斯信最勝希有人

斯信妙好上上人

到安樂土必自然

即證法性之常樂

入出二門偈頌七十四行

原版人 西村九郎右衛門

明治十八年三月廿四日 翻刻御届  
同 十九年三月廿五日 刻 成

定價金十八錢


京都府平民 翻刻人 永田長左衛門

下京區第廿三組山川町 五番戶

京都府平民 翻刻人 澤田友五郎

下京區第十九組塩竈町 三番戶

65  
184



Ⓜ

019197-000-3

65-184

文類聚鈔・愚禿鈔・二門偈

親鸞／著

M19.3

ABF-2783





65  
114  
M

文類聚鈔

卷之二  
門一